

AD SACROSANCTVM
OECVMENICVM CONCILIVM

TRIDENTINVM,

QVA DE ECCLESIAE AVCTORITATE,
ET IMITANDIS APOSTOLIS
DISSERITVR,

HABITA PER R. P. GASPAREM A' FOSSO
Archiepiscopum Rheginum in eiusdem Concilij apertione
die XVIII. Ianuarij. Anni. M. D. LXII.
sub PIO. IIII. Pont. Max.



BIBLIOTHECA NAZ.
ROMA
VITTORIO EMANUELE

BRIXIAE, Ad instantiam Ioan. Baptiste Pozzols.
Anno M. D. LXIII.

OF THE

AD SACHS ANCTVM

OF THE UNIVERSITY OF OXFORD

T. A. D. E. M. I. N. M.

THE OF THE UNIVERSITY OF OXFORD

IN THE UNIVERSITY OF OXFORD

THE OF THE UNIVERSITY OF OXFORD
 IN THE UNIVERSITY OF OXFORD
 IN THE UNIVERSITY OF OXFORD
 IN THE UNIVERSITY OF OXFORD



THE OF THE UNIVERSITY OF OXFORD
 IN THE UNIVERSITY OF OXFORD

ORATIO AD SACROSANCTVM

OECV MENICVM CONCILIVM

TRIDENTINVM.



I DARETVR congressus cum uate aliquo, Illustris-
simi Apostolica sedis legati, & Patres Amplissimi, il-
lum de Nili ortu, uel Darij fuga (uti Alexandrum se-
cisse aiunt) non percontarer, neque de primis rerum
seminibus sint ne Pythagorea decisiones in caelo, Em-
pedoclis elementa, atomorum congeries, uel indige-
stum Anaxagoræ chaos; non de origine fontium, & alijs, quorum scientia
inflat potius, quàm ædificat. Verum à certiori oraculo ipse libentius pe-
terem, si deus hominem rectū, ratione ornatum, beatitudinis participem,
& sua insignitum imagine creauit ab initio, cur ipse suimet oblitus, &
dei, innumeris se immiscuit questionibus: quo factum est, ut priori spo-
liatus honore compararetur iumentis insipientibus. Quis præterea eun-
dem hominem dei bonitate per mortem filij eius suo candori restitutum,
& ita enutritum in Euangelio, ut azimus, & noua conspersio esse debe-
ret; tantus stupor oppresserit, ut ad veteris nequitia, & malitia fermentum
reuerteretur? Quinimmo ad deteriora pralapsus est, dum neglecta
ueritate, quam in orthodoxa didicerat ecclesia post impias abiit opinio-
nes, dicens, capitis sui tenebras esse lucem, & ecclesia catholica lucem
esse tenebras. Utinam auo nostro tot non essent buius insanie sectatores,
ut uerè dici non posset, Stultorum infinitus est numerus. Magna profe-
ctò circa religionem illorum insania est, qui cum Christum opera bona et
præcepisse, et exemplo suo commendasse legerint, et tandem uoluisse pati,
& sic intrare in gloriam suam: ipsi tamen sub tali capite genio et delitijs
indulgentes in ocio se uiuere posse existimant. Et si qui eorum sint, qui
hæc ipsa opera uerbo non negligant, ea tamen ad salutem minus neces-
saria esse dicunt, inanem reddentes illam fidei nostræ confessionem, reddet
deus unicuique secundum opera sua; & qui bona egerunt ibunt in uitam
aternam. Cum autem ab ecclesia initio sacramentorum usum semper
fuisse legerint (ritus enim si qui aliquando immutati sunt, hoc ideo fa-
ctum fuit, quia temporum & statuum conditiones illud expectabant; sed
quantum ad substantiam attinet in eorum integritate sine aliqua muta-
tione perflitère) cur ea nunc proijciunt, detestanturque? eo magis quòd
sanguis Christi, quo ipsi tantopere gloriantur, & in quo se uince dicunt

confidere solo sacramentorum medio nos abluit, & deo conciliat. Cum
insuper beati Petri, eiusq; in Romana, & apostolica sede successorum
auctoritatem, eminentiamq; super ceteros omnes ab ipsa Christi resur-
rectione indubitata accepertint, ad quos alij quibus gravia fidei dubia,
& ecclesie negotia tanquam ad supremos doctores, et totius dominici gre-
gis pastores summos referebant: cur hodie ab eis tanta cum indignatione
deficiunt? Vnde obsecro nefas tantum populis, & ijs qui aliquando pa-
stores erant? Vnde hæc tetigit ò Christe tuos insania cives? Non desunt
in sacris literis oracula, quibus mea petitioni satisfiat: dum enim de pec-
catoribus aiunt, non cognouerunt, neque intellexerunt, in tenebris am-
bulant: peccata & mala quauis ex ignorantia pronenisse ostendunt, qua
est altera peccatorum origo & causa; nec immerito: omnis enim prauus
ignarus est, & nemo amplectitur uitium nisi sub specie honesti; nec uir-
tutem odisse poterit, nisi turpitudinis speciem præstulerit. Si enim illius
formam oculis corporeis spectaremus, magnum (ut dicebat Plato) sui
amorem excitaret in cordibus nostris: eadem oracula cum de eisdem pec-
catoribus dicunt, obcæcavit eos malitia eorum; alteram ostendunt uitio-
rum causam, malitiam scilicet priori longè deteriorem, quibus ignoran-
tia, & malitia morbis intellectus & uoluntatis animæ nostræ, uires præ-
cipue insciuntur; uti fuit ab initio; & sic homo à sua rectitudine, reces-
sit, comparatusq; est iumentis insipientibus. At dominus, qui misericor-
dia & miserationibus diues est noluit hominem in tenebris & in umbra
mortis sine remedio derelinquere; sed ei ineffabilem bonitatis suæ dexte-
ram porrexit oriens ex alto, ipse inquam pater ac dominus, qui condidit,
firmanisq; cælum, qui libratam suā magnitudine terram uallauit in mon-
tibus, mari circumdedit, omnibusq; distinxit: qui quicquid in hoc mira-
bile cernitur, confluxit, ac perfecit ex nihilo, perspectis erroribus nostris
ducem misit, qui uiam nobis iustitiæ panderet; quem audiremus, quem se-
quetemur, cuius monitis, & præceptis deuotissime paremus: quem qui
non audierunt iam iudicati sunt; quia lux uenit in mundum, & illi dile-
xerunt magis tenebras, quàm lucem. Verum enim uero ex ijs, qui cum an-
dierunt, & se eius nomine Christianos esse profitentur, alij moribus dis-
sentiunt, alij uero doctrina. Primis sacramentorum remedia contulit,
quibus uestem, quam amittere candidam recipere, & inuiam poterunt
redire iustitiæ: aduersus uero errorem hæreticorum doctrinam, pertina-
tiamq; patrum exhortationes, & tandem æcumenica concilia instituit;
quippe quæ ad euellendas hæreses præcipua semper fuisse medicamenta,
ita ut ipse dominus saluti nostræ semper consulere uideatur: olim quidem

per filij sui missionem, deinde uero per internas inspirationes, per patrum exhortationes, per sacramentorum ministeria, & in rebus arduis (uti nunc sunt) per generalia concilia, ubi Christus assistit, & spiritus sanctus operatur; cuius directione, & nutu totum ecclesie corpus sanctificatur, & regitur. Hac itaque Patres sanctissimi causa fuit, cur uos à Christi vicario (cui soli hac potestas data est) in hunc sacrum & legitimum cœtum uocati esitis, ut scilicet prudentia uestra, & singulari doctrina errores (adiuvante Deo) radiceantur, veritas catholica confirmetur, & pax restituatur ecclesie: in eam enim spiritus sanctus ad hoc potissime concilia introduxit, ut si qua inter christianos de re fidei orta esset dissensio patribus in unum conuenientibus per inuocationem nominis sui veritas appareat, errores, opiniones, & schismata, que in religione emerferunt, ipsorum conciliorum auctoritate amputentur, & penitus extinguantur. Quæ autem, & quanta sit conciliorum, & ecclesie auctoritas, qualesue nosmet ipsos, Patres, in hoc negotio gerere debeatis, omni uerborum ornatu, & lenocinio excluso breuissime percurremus.

SCRIPTURA cum non ab humana uoluntate, sed à Deo ipso auctoritatem acceperit, ideo nullus unquam fuit sana mentis, qui illi contradicere, aut aliquid falsum, inconstans, uel ociosum obijcere præsumperit. Ecclesia etiam non minorem à domino auctoritatem obtinuit, ita ut quicumque eam audierit, uel spreuerit, Deum ipsum auduisse, uel spreuisse dicatur: ei datum est inter canonicum, & apocrysum, catholicum, & hæreticum discernere, scripturas fideliter interpretari, peregrina, & noxia respuere, & amplecti utilia. Vnde non ab re Augustinus dicebat se euangelio non credere, nisi illum auctoritas commonuisset ecclesia: uerum tamen cum fidelium cœtus, prælatorum conuentus, ac prælatus ipse nomine ecclesie intelligantur, licebit eos sub eodem nomine appellare. Cum autem caput ecclesie Christus sit, cuius spiritu illuminata in ijs, quæ ad fidem pertinent, errare non potest: quicumque ei non crediderit, & in ijs, quæ ab ea determinata fuerint non acquieverit, repugnat ipsi Christo, ac ejusdem sententia tanquam ethnicus & publicanus habendus est. Nec etiam sunt audiendi qui denuo de ijs referri uolunt, quæ semel sacra concilia determinauerunt, & ab apostolica sede firmata sunt: si quidem hoc nihil aliud esset, quam sisyphium uoluere saxum; & dum in pelago dubitationem fluctuamus, portum quietis & veritatis nunquam attingere. Desideratur, pro dolor, concilium ab omnibus, quis eius erit finis? quæ utilitas? & quis usus? si postquam decretum in eo quicquam fuerit, illud denuo aliquibus in dubium reuocare, uel disputare licebit? Idem profecto ijs

eueniet quod febricitantibus euenire conspiciamus, quibus dulcia quamvis morbi iutio amarescunt: qui superioribus concilijs non credunt, nec ipsi credent, quæ futura sunt; sicuti qui non credebant Moysi, & prophetis, nec illi, qui è mortuis surrexisset credituri erant. Sed quia hæretici semper conciliorum auctoritate damnati fuerunt, mirandum non est si cõtra eandem auctoritatem sua spicula iaciunt, arbitrati blasphemijs, & argutijs quibusdam posse illam demoliri: aiunt enim se nullius uelle stare iudicio, nisi solius uerbi Dei: quippe quod solum est uerax, & manet in æternum: at conciliorum ueritas cum hominum iudicio ac uoto innitatur, qui natura mendaces sunt, ea possunt facilitate alios fallere, quæ ipsi decipi possunt. Quare hinc fit, ut aliqua unius concilij decreta ab altero sæpe numero renouata fuerint. Impiorum uox est aduersus dominũ, et aduersus Christos eius; dirumpamus (inquiunt) iungula eorũ, et projiciamus nobis iugum ipsorum; sed qui habitat in cælis irridebit eos, et idẽ dominus subsanabit illos. Si uere diuini uerbi iudiciũ magnificẽdum existimarẽt, ecclesiam, & illius procures audirent: quos uerbum domini præcipit esse audiendos. Fatemur homines esse mendaces dum loquuntur de se ipsis; at cum in Christi nomine congregati sunt, de summa religionis, & fidei tractaturi, licet in examinanda ueritate interdum discrepent, in decretis tamen non ipsi sunt qui loquuntur, sed spiritus sanctus, qui loquitur in eis: unde conciliorum determinationibus apte, quod apostoli docuere, apponitur, uisum est spiritui sancto, & nobis. Cum ergo determinationes vestræ, Patres sanctissimi, spiritui sancto præcipue tribuendæ sint; certe ille spiritus ueritatis, sicut nos potest falli, ita neque uos decipi patietur. Fatemur etiam sæpe contigisse, ut semel definita postea renouata fuerint: sed nunquam in ijs, quæ ad dogmata fidei pertinent factum fuisse legimus, sed ad mores & ritus tantum; quippe qui pro temporum & locorum uarietate mutari possunt, & interdum debent, ut apostolos aliquando fecisse legimus, dum abstinendum à sanguine, & suffocatis statuerunt: & quasdam legis cæremonias permiscere: & Paulus Timotheum circumcidi, & ipse met more gentis suæ purificari uoluit, ne esset iudeis credentibus offendiculo, & Synagoga sine honore sepeliretur: quorum exemplo posteri locis & temporibus prudenter aliquid condonarunt. Sed in ijs, quæ ad fidem pertinent, quod semel determinatum est mutatum fuit nunquam; nec aliquid erroris inuentum ad hæc usque infelicissima tempora (quod sine lachrymis commemorare non possumus) quibus à mille & tercentis annis ecclesiam errasse contenditur: forte id scilicet ideo euenit, quia dormiente sponso eius Christo tandem in erroribus fluctuauit; fuisset que

funditus submersa, nisi illum à somno Lutherus excitasset. Quis tam impias voces perferre queat? quis tam ferreus, ut teneat se? & hac audiens iustissimo dolore atque indignatione se commoveri non sentiat? dum enim his blasphemijs Sathanae ministri ecclesiam nituntur deprimere, Christum eius sponsum promissorum fide, & veritate expoliant: ipse enim ait, quæ procedunt à labijs meis non faciam irrita. Irrita certe essent uerba eius, si ecclesia erroribus (ut ipsi dicunt) diu succubuiisset: ipse ait, rogabo patrem, & alium paracletum dabit vobis, ut maneat vobiscum in æternum; non erroris, sed spiritum ueritatis. & alibi ait, vobiscum ero usque ad consumationem seculi: quæ promissio non solis illis (quibuscum loquebatur) facta est, qui nec in terris in æternum, neque erant usque ad consumationem seculi permansuri; sed ecclesiæ facta est, cuius ipse est caput: caput dico non errantium, aut erroris, sed ueritatis. Non casu euenisse iudico, ut hic dies, quo tot superatis difficultatibus, & suspensione sublata œcumenicum hoc concilium aperitur cathedræ Petri sacer esset, ac eodem die euangelium nobis legeretur, quando Christus, mater eius sanctissima, & discipuli ad nuptias inuitati conueneret (utrunq; enim huius diei ministerio conuenit) in cathedra, quam Petrus sibi, eiusque successoribus Romæ crexit, Romanæ ecclesiæ eminentiam, ac dotes præcipuas licebit inspicere, quas ita in Petro suscepit à domino, ut super cunctas alias supremum magisterium, & dicatam obtinuerit. Tu, inquit, es Petrus, & super banc Petram ædificabo ecclesiam meam: Christus enim ipse, sicut sibi tanquam primario, & independenti capiti uniuit ecclesiam, ita ut eadem semper habeat caput uisibile, Petrum constituit, quem cepham appellauit, id est petram, super quam ecclesiam suam fundandam esse dixit: & quemadmodum in sacramentis operatur omnia ipse solus, ministerio tamen utitur uisibilem sacerdotum; sic uisibilem in terris ministrum elegit, per quem ecclesiæ molem hanc sustineret, & gregem suum uisibilem inuisibilis ille gubernaret. At hæretici, qui nihil student accurratius, quàm Petri successorem Christi vicarium exosum omnibus reddere, ut vnitas in ecclesia dissoluatur, disseminant, nos dum Petrum ecclesiæ caput, uel fundamentum prædicamus Christo petra primariæ, & angulari lapidi, ac fundamento præcipuo, præter quòd nullum aliud poni potest eodem modo quo ipsum est, quo quo modo derogare, ubi sicut in alijs, & decipiuntur, & alios student decipere. Nos enim potius Christi gloriam, & maiestatem extollimus dum eum, qui à principio creaturas omnes uoluit bonitatis suæ esse participes, prædicamus participatione quadam tempore gratia uoluisse illam

hominibus copiosius, & augustius communicare, ita ut cum solus ipse sit
lux mundi, solus possit peccata dimittere; tamen hac hominibus commu-
nicauit: solus est filius Dei, & tamen quod ipse est natura, contulit ut
alii fierent per gratiam: qui sacerdos est sacerdotes facit; & qui petra est
petram facit. Vnde quod dixit, super hanc petram edificabo ecclesiam
meam, ita ad Christum, & ad fidem, quam Petrus confessus est; refertur;
ut nisi ad Petrum ipsum referri etiam intelligas, diminute credes, &
prope nihil; neque ubi sit ecclesia scies: nam si per petram Christum so-
lum, aut Petri fidem intellexeris, quilibet haereticus penes se & Christum,
& fidem esse dicet: si vero Petrum, & Petri successorem intelliges, nullus
schismaticis, & haereticis locus relinquetur. Confirmat hoc beatus Hie-
ronymus ad Damasum Papam sic scribens. Cum successore piscato-
ris, & discipulo Christi loquor, ego nullum alium, nisi Christum sequens,
Beatitudini tuae, idest cathedrae Petri communionem consocior; super hanc
petram edificatam ecclesiam scio; qui extra hanc domum agnum comedet-
rit, prophanus est: qui non fuerit in archa Noë peribit regnante diluui-
o: haec enim sancta, & apostolica omnium ecclesiarum Christi mater eccle-
sia, quae per Dei gratiam à tramite apostolicae traditionis nunquam re-
cessit; nec haereticis prauitatibus aliquando succubuit: sed ut in exordio
fidei christianae normam accepit ab auctoritatibus suis apostolorum prin-
cipibus, eam illibatam semper seruauit iuxta ipsius domini pollicitatio-
nem, qui eius discipulorum principi ait. Petre ecce Sathanas expetiuit
te, ut cribraret sicut triticum; ego uero rogaui pro te, ne deficiat fides
tua; & tu aliquando conuersus confirma fratres tuos. Sola haec ecclesia
nunquam fuit erroribus deprauata, nec ad eam, ut Cyprianus ait, ac-
cessum potuit habere perfidia. Defecit Hierosolyma ubi Iacobus, Asia
ubi Ioannes, Achaia ubi Andreas, India ubi Thomas, Aethiopia ubi Mat-
thaeus, Persia ubi Iudas, Phrygia ubi Philippus. Defecerunt & aliae,
quibus Christi, & apostolorum discipuli praesuerunt: sola haec apostolico
culmine insignis à fide & veritate nunquam declinauit, ut à domino pro-
missum est; quod portae inferi non praeualebunt aduersus eam. Si portae
inferi, quae sunt haereses, & doctrinae non sunt contra eam praeualiturae,
cur si impudenti ore tam diu in erroribus illam fuisse proclamant? nemo
dicat Deum se habere patrem, nisi hanc ecclesiam matrem agnouerit.
Sed tempus est, ut ad illius auctoritatem (vnde digressi sumus) reuertamur;
& in ea insistentium est; talis enim est huius aui haereticorum con-
ditio, ut in nullam rem magis incumbant, quam ut sub praetextu verbi
Dei ecclesiae auctoritatem euertant; ac si verbo Christi corpus eius ec-
clesia,

clesia, nel corpori caput posset aduersari: quinimmo auctoritas ecclesia
 tunc à scripturis maxime illustratur, dum eas commendat, diuinas esse
 declarat, nobis legendas exhibet, in dubijs fideliter exponit, & eis con-
 traria condemnat, dum legalia in scripturis præcepta à domino eadem
 auctoritate cessarunt. Dies sabati in lege celeberrimus transit in do-
 minicam: circuncisio Abraæ & semini eius ea sub comminatione ordina-
 ta, ut cuius præputij caro circuncisa non fuerit, deleteretur de populo suo;
 sic sublata est, ut apostolus obtestetur, si circuncidimini excidistis à
 gratia; & Christus nihil vobis prodest. Hæc & his similia non Chri-
 sti prædicatione cessarunt (ait enim se uenisse implere legem, non sol-
 uere) sed auctoritate ecclesiæ mutata sunt: etenim si ea tolleretur (cum
 oporteat hæreses esse) quis ostendet veritatem, & hæreticorum con-
 fundet pertinaciam? erunt confusa omnia redcuntibus mox hæresibus
 illius auctoritate damnatis. Qui vos contemnunt, Patres Amplissimi,
 Christum contemnunt: & eundem audiunt quicumque uos audierint.
 Ordini uestro subiiciuntur demones; & datum est angelos quidem ipsos
 ne dum secularia iudicare. Vobis dictum est, quorum peccata remis-
 eritis, remittuntur eis; & quorum retinueritis retinebuntur. Vobis id
 mirabile dicitur, ut sit in cælo ligatum, aut solutum quod ipsi ligauerit-
 is, uel solueritis in terra. Hæc Deum potius, quam mortale sonant:
 uos estis illi principes, quos pro apostolis per uerbum David super omnem
 terram constituendos esse prædixerat, qui principatus eo omni terreno
 est dignior: quo diuina humanis, & cælestia sunt terrenis digniora. Hoc
 Constantinus agnouit, cum in episcoporum synodo uoluit humiliorem
 sedem retinere, ac libellos contra episcopos sibi oblatos comburi iussit,
 dicens, Deus constituit uos sacerdotes, & potestatem dedit iudicandi de
 nobis. Hoc idem Theodosius (cuius religionem, & humilitatem nun-
 quam satis laudare possumus) agnouit, cum de seuitia ab Ambrosio re-
 dargueretur, & ab ingressu arceretur ecclesia, sacerdotis non contem-
 ptit imperium, sed humiliter paruit. Hæc eadem auctoritas christia-
 nissimos principes, ac dominia mouit, ut ad hos clarissimos oratores tan-
 quam defensores, & obsides destinarent. Eadem auctoritate potestis
 rebelles hæreticos ad parendum uestris decretis, & adueniendum ad nu-
 ptias, quæ hodie Tridenti illis aperiuntur, compellere: christiana enim
 & paterna charitas docet filijs etiam inuitis & rebellibus esse benefa-
 ciendum. Quod si (ut uultis) efficere non potestis, & hæreticos pro
 quorum salute tot incommoda, & labores sustinetis, & periculis, &
 peregrinationibus uos coniecistis, ad has nuptias trahere non ualetis,

pro quibus sternuntur mensæ, dapès apponuntur, & uos ad ministrandū accingitis, ubi Christum inuenirent, matrem eius, ac sanctos, quos ipsi è suis commertijs eiecerunt, ubi lapideæ eorum hydriæ euaderent carneæ, & aquæ errorum in uinum cælestis doctrinæ, & spiritalis letitiæ uertentur, quia eos defendis numerus iunctæq; umbone Phalanges: eadem morietur charitas assidue Christum dominum orare, ut qui lux est mundi digne tur illorum tenebras excutere, ac eis lumen, & cognitionem catholica veritatis imprimere. Restat, ut in quibus & uos exercere, & beatos Apostolos imitari debeatis, breuiter absoluam.

PRAESENTIS ecclesiæ status nonnunquam in scripturis vinea nuncupatur, & ea certe est, quam dominus suis hodie non locat, sed commendat agricolis; & sicuti ad culturam illius nunquam destitit à primo mane uocare operarios, sic nunc uos, Patres, uocauit, & misit; non ut uinum bibatis, aut in ocio delitijs fruamini; sed ut apostoli, quibus uos succeditis præcipui huius vineæ cultores exemplū relinquere, in ea operamini. Finis, & scopus, in quem toto pectore debetis incumbere est, vineam domini excolere, superflua amputare, utilia enutrire, nocua euellere, et circunquaq; omnia speculari. Vos enim turres estis, & firma aduersus inimicorum insidias propugnacula, uos sepes, & muri estis, qui saeuientibus, et exterminantibus apris uiam clauditis, quibus etiam satagendum est uulpeculas capere, ne si creuerint, colligatis mutuo auxiliariis candis (uti hæretici & peccatores maiores effecti facere consueuerunt) totam vineam, & messem domini haresum, & uitorum incendio depopulentur. Vos demū, Patres, estis torcular illud, ubi vinea fructus exprimitur, colligiturq; nec aliam ob rem dominus uoluit hic adesse, nisi ut fructum afferatis, & fructus uester maneat: quod accurratius fiet, si in eisdem cordium uestrorum torcularibus diu noctuq; versabitis. Quorsum Tridentum ueneritis, quo in discrimine Resp. christiana reperiatur, quid à uobis catholici expectet, in quibus (sicut auicula deplumata in nido, & nautæ firma in anchora) omnem eorum spem collocarunt; & sub quo sitis hæreticorum iudicio: quasi accuratè cogitabitis, & tabulis cordis uestri scripta deferetis, efficiet, ut in opere tantæ molis non ociosi, sed solertes sitis operarij, ac orbis expectationi, et temporum horum calamitatibus digne satisficietis. Et quia in affectionibus nostris, dum studemus nobis ipsis placere sæpe hallucinamur, ideo apostolos doctores præcipuos in oratione, et cōstantia studeamus imitari; quarum prima illuminati sciatis potiora deligere; altera uero aduersa omnia superabit. Sine intermissione Patres sanctissimi orandum est, nam hæc religionis negotia sunt oratione potius examinanda, quam

verbis: quasi à corde puro processerit, cælos penetrat, & veluti fidelis
nuntius mandatum peragit, & attingit quod caro non peruenit. Nec ali-
quis debet tantum sibi placere, vt se non posse deficere arbitretur; cū non
desint occultæ, & falsæ suggestiones demonum, qui in habitu lucis, & sub
speciei recti decipiant: ideo orandus est Deus, vt qui lux est, nos illuminet,
qui via est vos dirigat, & qui veritas est vos manuducat: sit ipse lucerna
pedibus vestris, et lumē semitis vestris: sic enim apostolos fecisse legimus.
Petrus & Ioannes in Samaria profecti non prius ijs, qui crediderant im-
posuere manus, ut acciperent spiritum sanctum, quàm pro ipsis orassent:
& dum Petrus seruaretur in carcere oratio fiebat sine intermissione ab
ecclesia ad Deum pro eo: diuina non nisi à Deo petenda sunt; nec possunt
humanis viribus comparari. Constantia insuper, & fortitudo vobis ne-
cessaria est, quæ si defuerit, nullum fermè opus optato & laudabili fine
coronabitur; ea armati Petrus, & Ioannes cogentibus, vt Christum ne-
garent, & à sui nominis prædicatione desisterent audacter responderunt.
Si Deo magis, quàm hominibus obedire oporteat ipsi iudicate. Quapro-
pter nec Deum negabimus, nec à sui nominis prædicatione desistemus.
Cum Andreas paratam sibi crucem longe prospiceret supplicij speculacu-
lo nō territus, nec senectute grauatus cepit alacri animo clamare: salue
crux diu desiderata: omnes denique apostoli ibant gaudentes à conspectu
concilij, quando digni habiti sunt pro nomine Iesu contumeliam pati.
Eandem quibus suis in periculis, & difficultatibus debetis constantiam imi-
tari, ac vosmet pro gloria domini tanquam parietes opponere dicentes cū
Dauid: non timebimus dum turbabitur terra, & transferentur montes
in cor maris. Gentium historiae Horatium miris laudibus prosequuntur,
quia toti se Etruria opposuit, vt patria redderetur incolumis: Sparta-
nasq; fœminas, quia filijs euntibus ad bellum clypeos sub his monitis
porrigebant. Filii aut cum hoc, vel in hoc, ratas dignius esse in bello au-
dacter pugnando occumbere, quàm inde turpiter recedere. Quanto ma-
gis eorum fortitudo celebranda est, qui non pro inanimi mundi gloria, sed
pro fidei confessione, & fratrum salute periculis, laboribus, & incom-
modis non cedunt? de quouis prælato, & de religione christiana beneme-
renti gloriosius narratur eum alicubi pro Dei causa impiorum gladijs oc-
cubuisse, quàm illac transisse dum fugeret. Quid homini prodesi si animā
amando perdidit? aut quam dabit commutationem pro anima sua?
Volui Amplissimi Patres hæc dixisse pro fortitudine, quam quisque vestrū
in animi præparatione habere debet: non quòd hæc pericula vineæ in his
Trentinis montibus collecta immincant: eam enim dominus protectio-

nis sue, & euangelica custodi a sepe munivit, circūiuitque non horum montium vallo, sed Cesaris inuictissimi ac catholicorum principum, qui nec sumptibus parcent, nec laboribus, vt salix sit sacri huius concilij progressus, & ne capillus quidem cadat à capite vestro. Super sunt adhuc paruo in hoc ambitu plus quam septem virorum millia, qui coram Baal genua non curuauerunt. Dei, non mundi opus aggredimur: hinc nec formidetis, nec difficultatum ventis circūferamini, experti sanctos per fidem reges vicisse, & imperia; & apostolos pauperes, & infimos audacter prædicasse Christum crucifixum, mundo exosum, iudeis scandalum, & gentibus stultitiam: quibus & si mundi sapientia, & vires contraxerint, Deus tamen voci sue dedit virtutem, & euangelizantibus verbum potentiam, ita vt aduersarij sapientia, & spiritui, qui loquebatur in illis resistere non potuerint. Sic vos si quod in vobis erit feceritis, qui incrementum dat Deus efficiet, vt lux vestra luceat in vniuerso orbe; & expectatos fructus populo christiano afferatis; quibus ipsi immortalitatem apud posteros assequimini, & ecclesia à tot perturbationibus liberata quiescet. Quod ab eodem domino nobis certo promittitur, cum his temporibus ecclesiæ sue Pium Pontificem Maximum præesse voluerit: de cuius sapientia, zelo, & reuerentia spem certam componenda religionis accepimus. Adest illustrissimorum Legatorum prudentia, & fides, ac omnium vestri Ratæ reuerentissimi constantia & pietas; quæ quicquid antea difficile videbatur, facile futurum ostendunt.

AD SIS ergo domine Iesu mentibus nostris, & ecclesiæ, ac fidei tue aspira negotijs; quæ hodie sub spe tue protectionis aggredimur; sicut oculi omnium in te suspiciunt; vt tu aperiens manum vbertatis tue expleas omne animæ benedictione: sic nunc oculi nostri sunt ad te dominum Deum nostrum, vt nostri miserearis, & mittens auxilium de sancto, de Syon tuearis nos. Tu caput es, nos membra, viuifica, & illumina nos, & vnguentum gratiæ tuæ à te capite descendat in barbam, & ad oram vestimenti tui, ita vt si ecclesiæ tuæ procures, ac fideles populi sint illius vnguenti participes: & cum sine tuo numine nihil sit in homine, nihil sit innoxium. Veni ergo tu sancte spiritus, reple tuorum corda fidelium, & horum Patrum mentes igne tui amoris incende. Dixi.

BRIXIÆ, Apud Damianum Turlinum.

Anno M. D. LXIII.

